



პროფესორ ზურაბ ვაშაკიძის ბახსენება

ქართველ მეცნიერ-ეკონომისტთა და საქართველოს ტექნიკური უნივერსიტეტის პროფესორ-მასწავლებელთა რიგებს გამოაკლდა შესანიშნავი მეცნიერი და გულისხმიერი პედაგოგი, ახალგაზრდების მეგობარი და აღმზრდელი, პროფესორი ზურაბ ვაშაკიძე.

მეტად მძიმე და ტკივილიანი შეგუება იმასთან, რომ პროფ. ზ. ვაშაკიძემ სამარადჟამოდ შეწყვიტა ურთიერთობა თავის კოლეგებთან, სტუდენტთა აუდიტორიასთან, რომ იგი ჩვეული ერთგულებით და პრინციპულობით აღარ გააგრძელებს ახალგაზრდა სპეციალისტების აღზრდას, სამუდამოდ დაემშვიდობა თავის ქალაქს, ოჯახს და შეუერთა ზეციურ საქართველოში გადასულებს.

სწორედ საქმისადმი უსაზღვრო ერთგულების და პრინციპულობის, საკუთარი მოქალაქეობრივი მრწამსის, კოლეგებისა და ახალგაზრდობისადმი გამორჩეული და გულითადი დამოკიდებულების გამო გვიყვარდა და პატივს მივაგებდით ზურაბს. დღეს კი მოწინებით ვხრით თავს მისი ნათელი ხსოვნის წინაშე. პროფ. ზ. ვაშაკიძემ სამოც წელზე ოდნავ მეტი იცხოვრა ამ ქვეყნად. მისი გავლილი გზა საამაყო არა მარტო ზურაბის მეუღლის, შვილებისა და შვილიშვილებისათვის, არამედ ყველასთვის, ვისაც ერთხელ მაინც მოუხმენია მისი ნაკითხული ლექცია.

პოლიტიკური ეკონომიის სპეციალობით თბილისის სახელმწიფო უნივერსიტეტის ეკონომიკის ფაკულტეტის დამთავრებისთანავე ზურაბ ვაშაკიძემ იქვე გააგრძელა სწავლა ასპირანტურაში და დაიცვა საკანდიდატო დისერტაცია.

წლების განმავლობაში იმუშავა სახელმწიფო უნივერსიტეტის პოლიტიკური ეკონომიის კათედრაზე ჯერ ასისტენტის, შემდეგ დოცენტის თანამდებობაზე. იყო თსუ-ს ახალციხის ფილიალის ეკონომიკურ მეცნიერებათა კათედრის გამგე.

1987-1996 წლებში ზურაბ ვაშაკიძე მუშაობდა ჯერ საქართველოს პოლიტექნიკური ინსტიტუტის უფროს მასწავლებლის, ხოლო შემდეგ საქართველოს ტექნიკური უნივერსიტეტის ეკონომიკური თეორიისა და მარკეტინგის საფუძვლების კათედრის დოცენტის თანამდებობაზე.

ათწლიანი სამეცნიერო-პედაგოგიური მუშაობის გამოცდილების მქონეს სურვილი აღეძრა თავი გამოეცადა სამეურნეო სამუშაოზე. რვა წლის განმავლობაში მუშაობდა საქართველოს ფინანსთა სამინისტროს საგადასახადო და საბაჟო პოლიტიკის დეპარტამენტის დირექტორის

მოადგილედ, ასრულებდა საერთაშორისო ურთიერთობათა დეპარტამენტის უფროსის მოვალეობას, ხოლო შემდეგ იყო სააქციო საზოგადოება „აგრომრეწვბანკის“ სარევიზიო კომისიის თავმჯდომარე. თსუ-ს შიდა აუდიტის სამსახურის უფროსი.

2004 წელს ზურაბ ვაშაკიძე კვლავ დაუბრუნდა საქართველოს ტექნიკურ უნივერსიტეტს. იგი არჩეული იქნა ეკონომიკური თეორიისა და მარკეტინგის საფუძვლების კათედრის დოცენტად, ხოლო შემდეგ მუშაობდა ბიზნეს-ინჟინერინგის ფაკულტეტის ასოცირებულ პროფესორად, გარდაცვალებამდე კი პროფესორად. 2009-2014 წლებში მისი ხელმძღვანელობით დაცულ იქნა მრავალი სამაგისტრო და სადოქტორო საკვალიფიკაციო ნაშრომები.

მონაწილეობდა საერთაშორისო სამეცნიერო კონფერენციის მუშაობაში. იყო ჟურნალების „ეკონომისტის“ და „ბიზნეს-ინჟინერინგის“ სარედაქციო კოლეგიების წევრი.

პროფ. ზ. ვაშაკიძე გამოირჩეოდა აქტიური მოქალაქეობრივი პოზიციით, ყოველთვის ცდილობდა შესაძლო წვლილი შეეტანა სასწავლო პროცესის სრულყოფაში, მეცნიერული კვლევის ეფექტიანობის ამაღლებაში, კოლეგების სოციალური პრობლემების მოწესრიგებაში, ამიტომაც იყო არჩეული საქართველოს ტექნიკური უნივერსიტეტის სენატის წევრად.

პროფ. ზურაბ ვაშაკიძემ ცხოვრების გზა განვლო ქართველი კაცის ღირსებით და კეთილშობილებით. მას დარჩა შესანიშნავი ოჯახი მეუღლე, შვილები და შვილიშვილები.

წავიდა ჩვენგან ზურაბი და დავგიტოვა მასზე კეთილი მოგონებები. ძნელია განშორება ღირსეულ ადამიანთან. იმედად გვრჩება, რომ ყველაფრის მკურნალი დრო არ გაიმეტებს ასეთ კაცს დასავიწყებლად. მისი კოლეგების და აღზრდილების გულში სამარადჟამოდ დარჩება მასზე კეთილი მოგონება.

სტუ-ს რექტორატი
აკადემიური საბჭო
სენატი
ბიზნეს-ინჟინერინგის ფაკულტეტი

სარედაქციო მოთხოვნები:

ჟურნალში გამოქვეყნებული სტატია უნდა მოიცავდეს მეცნიერული კვლევის ახალ შედეგებს ბიზნესსა და ინჟინერიის შემდეგ თეორიულ და გამოყენებით სფეროებში:

- ბიზნეს-ინჟინერინგის ჩთვორიული ასპექტები;
- ბიზნეს-პროცესების მართვის ტექნოლოგიები;
- საინჟინრო-საკონსულტაციო საქმიანობის ეკონომიკური შეფასებები;
- ბიზნესის განვითარების მიზნები და მიმართულებები;
- ბიზნეს-ინჟინერინგი: ენერგეტიკაში, ინფორმატიკაში, ქიმიაში და მეტალურგიაში, ფარმაციაში, მშენებლობაში, ტრანსპორტში, არქიტექტურასა და დიზაინში, სამთო გეოლოგიაში, ნანოტექნოლოგიებსა და ჰიდროტექნიკაში;
- ინოვაციები და ინვესტიციები;
- საინჟინრო საქმიანობის სამართლებრივ-საექსპერტო და სოციალური ასპექტები;
- სამართალი და პოლიტიკა;
- ევროპული და ევროატლანტიკური ინტეგრაცია.
- მიღებულ სტატიებს იხილავს რედაქციის და დადებითი რეცენზიის შემთხვევაში აქვეყნებს, ასევე განათავსებს ინტერნეტში – ელექტრონულ ჟურნალში.

სტატიების მიიღება ქართულ, რუსულ, ინგლისურ, გერმანულ და ფრანგულ ენებზე ქვეყნდება ორიგინალის ენაზე.

სტატიის გაფორმების წესი

- სტატიის მოცულობა უნდა შეადგენდეს არაუმეტეს 15 გვერდისა და სტატიას თან უნდა დაერთოს:
- რეზიუმე ქართულ და უცხოურ ენაზე — ტექსტის დასაწყისში (რეზიუმე უნდა შეიცავდეს არანაკლებ 100-150 სიტყვას), გამოყენებული ლიტერატურის ნუსხა — ტექსტის ბოლოს.
- ქართული ტექსტისთვის გამოიყენეთ ქართულ შრიფტი □□AcadNusx,
- ხოლო ინგლისური და რუსული ტექსტების შრიფტი – Times New Roman.
- შრიფტის ზომა 12, ინტერვალი 1,5, ყველა კიდიდან დაშორება იყოს 2 სმ.
- სტატიის თავში მოათავსეთ შემდეგი ინფორმაცია: ავტორის (თანაავტორის) სახელი, გვარი, აკადემიური ნოდება, ელექტრონული მისამართი და ტელეფონის ნომერი.
- ნახაზები, გრაფიკები, სქემები და ა.შ. – ფორმატში TIFF 300 dpi; 600 dpi, ფორმულები უნდა აიკრიფოს
- Microsoftequation 2.0 (2.1.).